

四庫全書

集部

欽定四庫全書

集部  
康齋集卷三

詳校官編修<sub>臣</sub>李堯棟

中書<sub>臣</sub>劉源溥覆勘

總校官知縣<sub>臣</sub>繆琪

校對官學正<sub>臣</sub>蔡必昌

謄錄監生<sub>臣</sub>秦英

欽定四庫全書

康齋集卷三

明 吳與弼 撰

詩

元旦枕上作

壬戌

升沉榮悴信由天莫以私心攪自然人事盡時須委命

春風隨處詠新年

奉寄家兄

客裏屠蘇歲又周詩成無使悵悠悠春風偶得家山鴈  
漫託鄉心達故丘

寒夜有懷九韶同不肖奔喪金陵

昨夜寒窓寐不成荒迷却憶舊遊情孤舟反側天涯夢  
千里勞君兩眼青

洪都抄書藁

發新莊渡

雲天雨歇亂山青新綠添江一棹輕前後衣冠催上道

春風共作寫書行

船頭與璿慶間眺

江天冥漠艣伊啞雲樹烟村野鳥斜船頭驥子時同坐  
久話令人忘算沙

宿萬石渡示璿慶及諸生

枉渚平林烟雨昏一篙春漲泊柴門吾伊莫使新功緩  
共擬青燈入夜分

舟中小立

晴色微開遠近山倚篷間看鳥回還數聲柔艣蒼茫外  
又載吾伊過別灣

鍾陵城南江畔

江城終日雨如麻病骨侵陵暖尚賒晴色忽驚春似錦  
偶從此地看桃花

九蓮寺即事

竹樹深深隔世機野人心事幸無違簡編隨意閒舒卷  
盡日春山獨掩扉

承大司成先生惠豫章文集抄錄已完偶成鄙句  
閩學淵源夙所欽遺編伏讀更沉吟餘生苟得分毫益  
總是先生嘉惠心

南浦登舟

漫託城南十日居禪窓松竹共清癯桃花晴漲移歸纜  
載得新抄幾卷書

發南浦

杳靄江山遠近樓桃花晴映綠楊洲滿船盡是青衿客

誰道春風非勝遊

豐城史郎中宅

桃李春風訪鄰林青燈猶記舊時吟圖書滿目人何在

萬里淒涼瘴海心

史以參謀軍  
事歿于交趾

宿龍潭

微雨沾鞍風滿襟長途無使客愁侵天光雲影投裝處  
流水高山是我心

宿吉塘



令弟遙迎自豫章  
難兄綠道候行裝  
春風共喜新晴好  
問水看山到吉塘

宿樟鎮靈峯寺

遙攜稚子訪名山  
多謝朋游伴往還  
幽意更便良夜宿  
光風霽月滿禪關

別吉塘

數家春樹鳥關關  
幾處青青雨後山  
勝槩倚樓人欲別  
詩情多在有無間

經天井

晴指家山路時詢天井名春風迎馬首投轄二生情

重訪傅秉彝

日明風淡艣柔和紅樹村村逐望多笑指竹林曾宿處  
遙攜愛子抱琴過

宿沙溪

紅葉西風遠盍簪高堂清夜共瑤琴長歌不覺詩狂甚  
一寫平生慷慨心

宿龍溪

燈火歡迎不憚勞夜深輿馬度江皋  
虛窓一榻平安夢人在春風醉碧桃

宿金雞城前

紅葉歸心剛似飛相逢尊酒別遲遲  
衣冠淳雅江山勝到處何妨一賦詩

宿五峯

歇鞍遙自客游歸寶篆蘭膏處處宜  
促席細聆眉壽話

金定四石人言  
卷三  
和風甘雨共忘饑

重經彭源

李原成先生之居

舊德鄉邦夙所推  
爭誇玉葉映金枝  
風流雲散客來晚  
立馬平橋獨步遲

自赤磻先隴後嶺循  
北原豐稔坑以出  
偶成絕句  
童冠嬉諧歸去遲  
山風淡淡日斜暉  
登臨自愜平生樂  
杖策樞衣忘渴饑

游東山

原成先生老年  
久教授于此

貪看形勝不知疲徐步東山話昔時流水高山人已遠  
尚餘清韻起遐思

別湖田

際曉晴開一葉舟故人高誼共悠悠回頭却憶沙頭別  
寒菽模糊烟樹稠

宿山家

隔嶺望叢筠方塘宿白雲客心清不寐絃誦夜深聞

雲峯寺即事

松竹禪房深復深  
雲和夜度玉泉音  
泠然共得惺惺法  
記取銀燈不寐心

宿曰讓宅

杖策歡迎荷老親  
候門稚子總欣欣  
獨憐霽月光風夜  
白雪陽春憶遠人

訪楊德全致政歸

罷郡歸時已白頭  
杖藜日看橘林洲  
客來若問浮生事  
明月清風酒一甌

宿厚郭胡氏

烟外微聞款語聲  
馬前徐問二生名  
回頭喜接平生友  
擁道難勝盛族情  
綠酒歌酣霜夜月  
青燈人在玉壺冰  
巡簷更數高居好  
勝水佳山眼倍明

留別樟溪王大邦

桑梓連陰三百春  
重來謝別訪高門  
白頭相眷無他屬  
剩買詩書教子孫

宿城南慈慧寺

金剛經  
卷三  
尋梅問竹繞城南喜得幽棲寄此龕詩罷杳無塵土念  
怡然清夢入春酣

城南識別

滿寺衣冠霽色開青春髮映蓬萊鴻爪雪泥他日夢  
江雲渭樹總悠哉

題臨江寺

霜蹄輕捷快晴光古寺時耽野趣長乘興不知沙徑永  
題詩人在水雲鄉



石井山家

清溪詰屈逗雲蘿  
白屋青烟綠樹多  
散馬平岡人待爨  
閒教稚子度雲和

夢中題畫龍

混闢乾坤動搖山  
嶽霧雨幾千年  
雲雷看一躍

冬日拜五六府君墓

二首

斷續崇岡野渡傍  
朔雲寒日共荒涼  
劫灰容易成今古  
文獻凋零事渺茫

郭五名存事已非斷畦荒塹一淒其黃成雖有衡茅在  
欲問前因總不知

郭五前時吾家收羊者  
黃成係近來看山者

奉別族里

舊鄉三載賴周旋歸興朝來已浩然莫怪迂踈臨別語  
人間萬事讀書先

宿櫟原

移居又喜入青山跋涉惟憐僕御難風雨凍途蓑笠憊  
茅齋烟火暫開顏

復居小陂

省墓歸來二載餘  
青山綠水復相娛  
兩鄉故舊皆青眼  
何處人烟不可居

元日感懷

山川依舊歲華新  
又見紛紛拜節人  
昨日兒童今皓首  
蹉跎羞看故園春

偶成

病軀倦長晝  
出門俯清湍  
倚筇坐濃樾  
支頤不勝冠  
遙

峯餘奇觀綵袖長  
颿寒呼兒授新句  
孤懷渺雲端

遊羅山

流水濺濺石峭稜  
天風嫋嫋景和平  
慙慙不惜躋攀力

絕巔須教一共登

宿石橋宗人家

遥遥西蜀出長垣  
具宣公居西蜀唐長垣縣男吳兢之後  
奕葉青雲鄉名幾

百年今日石橋樓閣話  
青燈綠酒悵前緣

示兒

病多自愈憊夙志竟成空所屬惟吾子云何不着功

次任教授見寄詩韻

獨憐樗散濫時名何意珠璣落玉京側喜滿城新教化  
男兒端不負平生

奉寄族里

琴劍南來接孟隣四橋桑梓託情親三年館穀春風裏  
誰道今人乏古人

贈別周圻

欲寫離情久倦吟一尊聊向菊花斟懸知南北天涯夢  
總是平生舊好心

次任教授倡義哀賻葬余忠母子詩韻兼輓生焉  
泮水橫經屬老蒼餘波重被困窮喪位卑正憶兼山艮  
河廣俄驚一葦航白屋伊威從壁立浮名蠚螫任天荒  
我歌漫答仁人利勉爾遺孤勿太傷

除日祀先

病骨支離不自任強將清酌共兒斟恍然今古淒其處

老淚難勝罔極心

除夜獨坐

久坐寒爐頻自撥  
倦來歲酒不成斟  
細看萬事無能處  
空憶平生慷慨心

牧歸途中作

乙丑

夕陽歸馬正從容  
出峽時迎入峽風  
無數好峯羅遠近  
朗吟身在翠屏中

贈王九鼎丹成還郡兼柬任郡博

任以御史  
教授職

歸騎翩翩大藥成  
野花啼鳥踏新晴  
繡衣時問衡門舊  
老鬢蕭疎學養生

又贈九鼎

離坎功成協太和  
微軀偏幸得春多  
何由廣假回生手  
徧起羣生遠近疴

雨後神嶺晚眺

烟收雲歛夕陽殘  
高下青松遠近山  
白鳥自飛人自度  
箇中真意憺忘還



贈鄒丘王三生

送送城西道踟躕故意深一杯西解酒聊贈白頭吟

題牛氏慈侍堂

予昔假館牛氏皆未有子今子且冠矣

高堂綵戲壽如山簾幕春風燕語間今日老萊頭復雪  
庭前依舊舞斑斕

重宿寶應寺彞公房

玩水看山偶獨來西風重歷舊樓臺光陰一紀如旋轂  
又聽晨鐘動老懷

留贈胥經歷

與先君向厚  
小子文亦深

連磬錦里偶經過華髮青燈叙舊多更欲細聆先子夢  
何時飛旆碧山阿

贈牛昇

昨日追尋今又來好懷端為故人開慙慙更有平生念  
羣從何時訪翠崖

徐陂道中

作客秋風百里歸重岡歇馬步逶迤觀生恰喜心無事

緩數雲峯獨詠詩

送陳庸從軍江浦

慈母新成遊子衣  
離歌欲唱意遲遲  
四方總是男兒事  
忠孝惟應兩勗之

遊西京赤岡故郡遺跡

羣峯翠嶺走銅陵  
疊嶂蜿蜒落故城  
人去山空年自換  
十朝興廢一棋枰

同王九鼎省石井先隴

金史卷之三  
故郡城頭話幾朝  
飄然石井又聯鑣  
高吟共得清秋興  
斜日不知歸路遙

九月壬午承王九鼎同省石井先隴罷宿惠民藥局丙丁夜虛堂隱几偶思及之因成此句

江山隨處倚高秋  
一榻時從藥局留  
明月滿城更向寂  
緩攜兒子語街頭

樟溪即事

一上層軒味自涼  
虛明更得讀書窓  
冷然睡起閒開卷

白雪陽春四五章

重宿白楊寺

策馬平橋又問禪  
萋萋春草月娟娟  
蕭然一榻平安夢  
夜半溪聲落枕邊

宿盱江郡庠

迢迢去鄉井  
長途日可畏  
朝辭白楊阪  
莫厯盱江渚  
一枝失所託  
行邁更靡靡  
挹此泮宮賓  
傾蓋良偶爾  
舉觴叙前緣  
剪燭開新製  
古人誠我師  
匪難固匪易  
誦言曰

惟熟析理尤宜細仁哉後獲心正誼寧謀利俛焉日孳  
孳汨汨川自至

自慈明寺東遊龍安鎮

面面春山涌翠華灣灣流水漲晴沙客懷却喜東游好  
高下樓臺遠近花

慈明寺即事

倦客懷歸歸路難禪房起坐養衰殘忽驚青嶂嬋娟月  
拄頰微吟獨倚闌

宿南城邑庠

風雨長途倦歸懷日浩然息肩芹水上端為廣文賢

寄題程氏春風亭

獨對寒檠事短吟有懷偏向故人深却因華扁生新感  
惆悵春風萬古心

東窓獨坐有懷先友秦莊仲綸

舊遊久矣悵晨星溪上梅花歲又更寂寞柴門多病際  
平生雙眼為誰青

擬錢塘懷古

朔漠心旌日夜懸義旗遙駐此山川只疑春物芳菲處  
莫是人間別有天

恩隆義重是君親忍着南冠一水濱頓首無衣誰氏子  
卧薪嘗膽迺何人

題芸閣示小兒璿慶

幽偏特啓芸香閣閣上工夫忙未忙從古共憂時易失  
前程誰進日無疆光風霽月濂溪上瑞日祥雲洛水陽



戶牖盤楹思有戒拳拳餘意託新章

題雪窓示璿慶

篤志宜師古深功貴自今弄丸元是熟添火戒非欽  
歷聖賢對昭昭上帝臨老懷何所禱細寫雪窓吟

題立雪齋

總總誰無無極真可勝師道日淪湮民生三事元如一  
何訝當年立雪人

題樟溪書屋

桑梓陰陰接種湖湖邊心事寄俞都

從子授書

風流雲散春

光莫幾對溪頭夜月孤

題烏岡別墅

烏岡元與柘岡連卜得幽棲慨昔賢棟宇漫題新歲月  
烟霞仍是舊林泉高山仰止從吾好明德惟馨自古然  
勿藥會須乘興去為君細和武夷篇

題耕樂軒

風景依稀似有莘東臯穀雨滿春田箇中樂事人誰會

日用由來總是天

足成夢中絕句

夢中成詩  
忘前聯

放犢長村月正明  
歸來暫喜病魂清  
足成一衾幽夢春風

裏又度良宵三四更

夢

牧江家坑

殘經掛角日來遊  
邃谷青山處處幽  
積雨草肥黃犢飽

吾伊聲裏一晴鳩

江家坑偶成

羣芳深處綠陰涼  
童冠相呼受講忙  
又與山靈添故事  
曾從此地說佳章

遊山

自二峰尖黃家坪至連珠嶺

盤盤樵徑入雲叢  
選勝尋幽到碧空  
不意羽翰生病骨  
翩翩歸袂又乘風

東坑幽谷

山翁去日下構亭為牧者避暑之所

崖傾谷轉水濺濺  
物外乾坤自杳然  
待得巔頭幽構畢  
時時來伴白雲眠

東坑幽谷

東坑有幽谷邈爾浮雲端陰林白日靜石溜寒潺潺蒼苔人跡罕好鳥時綿蠻我遊日心醉間謠澹忘還

大畬岡望撫州城奉懷任潘諸廣文及五峯親舊  
亭亭古木轉繁陰拂面清風晝滿襟坐接水雲城郭近  
新詩聊為故人吟

題潘氏潭江先址

時從官舍夢家鄉先址依稀事渺茫欲託孝思知有在

卷三  
潭江烟雨樹蒼蒼

奉寄族叔父仲學先生

遊子歸時親倚閭斑衣華髮近何如生涯隨分田園好

日課諸孫讀父書

懷晏黎二生

予居種湖時晏海黎善為使金谿今七七年矣

風雨淒其客路賒君心無事我心嗟玉樓人去春寥落  
幾對青燈念子華

寄黃錦章教授

同安人江夏教授初識同安再會江夏

同安烟柳雜晴川江夏清風十丈蓮

城中雨蓮池

此日相思

頭總白幾時重泛剡溪船

悼少傅先生

少小親仁長事師講帷無復再趨期不眠此夜相思處  
敢忘平生刻骨辭

贈吳生歸覲鍾陵

白髮慈顏日倚閭青燈遊子正劬書朝來黃色眉端動  
乾鵲聲中慶有餘

卷三  
郡庠潘梁二廣文辱載酒偕往石井先隴小酌金  
石臺而還

石井朝聯二妙來提壺兼歷古名臺長空溟漠收新雨  
含笑江山暢一杯

除夜書懷兼柬子貞九韶

溪上尋梅歸去遲虛堂剪燭坐題詩精神已是龍鍾後  
涉歷翻思少小時幸得簡編常滿眼敢辭塵土暫侵衣  
家山舊有良朋約試向東風一問之



戊辰元日

溪上尋梅雪乍晴  
溪頭流水已春聲  
呼兒旋滌芸窗硯  
準擬新詩頌太平

訪子貞九韶同話胡二宅

簾戶沉沉午夢餘  
新晴天氣景舒舒  
和風細拂家山袂  
半日清談故友廬

追次少傳先生壽日詩韻

花盛春城錦萬枝  
九天化日正遲遲  
運符聖德超千古

身幸儒冠際此時晨捧絲綸歸玉署夕陪鴛鴦泛金卮  
宿齋預擬明朝值又悉丹誠向赤墀

輓盛山人

當年卜築鎮關心綠水青山幾訪尋不有高人符往古  
何由勝槩見于今圖書映帶供多趣松竹週遭已茂林  
却念驛溪雲黯淡芒鞋何處覓登臨

贈婁諒歸上饒

并序

上饒郡庠生周文婁諒承其府主命來學諒得

寒疾先歸哉此且贈其行云

稚志諄諄在廣居賢侯盛德遠吹噓獨憐擣散空衰邁  
麗澤何時重起予

壁沼以禦獺諸生咸用力焉詩以紀其成

躬事胼胝少長同忽於平地見崇墉溶溶春碧歌於牖  
不日還應懋爾功

贈周文東歸

日講殘經味正奇告歸情急忽依依人生萬事無不有

細誦前賢素位辭

程庸以種湖所書拙字及鄙句見示悵然有作

陳迹依稀慨昔游寒窓遙夜意悠悠他年萍水重相念  
何處西風獨倚樓

贈王九鼎還五峯

四年三度款柴荆更篤良朋永夜情

每度九韶皆在會

別恨又

添他日夢生涯何處一浮萍

溪上偶成

偶爾閒行繞碧溪  
梅花開處詠多時  
固知道理平鋪在  
方寸何容半點私

元日懷感已巳

長風半夜卷頑雲  
霽色曛曛映雪分  
又感一元新惠澤  
微吟隨處詠洪鈞

哭黃季恒

高誼真情三十年  
老懷何忍訣終天  
茫茫石馬江頭路  
凍雨寒雲倍黯然

石泉開田

風雨瀟瀟小滿天  
四山蓑笠事新田  
箇中會得艱難意  
細和幽風七月篇

病中有懷子貞九韶

老病懷思只故人  
故人疾病總酸辛  
如何得似平康步  
選勝尋幽處處親

訪表兄鎖東端伯仲

九韶同飲二人皆辛未生

同里同年齋更同  
半生多故各西東  
清談偶得三人共

兩鬢蕭疎總是翁

訪表兄章二伯仲

長憶先君念母家  
慚予小子近如遐  
幸陪花萼相輝好  
更喜螽斯世澤賒

小兒鳴琴

竹樹交加轉午陰  
衣冠秩秩夜沉沉  
雪泥鴻爪他年夢  
記得從容抱此琴

贈李生歸覲并序

正統辛酉予自鍾陵假道湖莽歸種湖瞻坡陀  
之麓有族居焉後七年李生勗來請序其族之  
譜乃知其為大陂也回思舊遊隱約如夢明年  
李生游學歸覲裁此以贈云

曾於道上瞻喬木他日遺文話大陂弔古未遑重策馬  
西風先唱覲親詞

牧歸馬上口號

掛角殘經一解頤秋風淅淅日斜暉會心偶爾微吟好



又向清流飲馬歸

九日同九韶飲子貞宅

平生佳節嗜狂吟  
中歲方知學養心  
不問菊花開與未  
無端新興為君深

寄李宜之

城北南莊入夢頻  
歲華偏感老懷新  
孤吟輾轉寒窓雨  
尊酒何時共若人

客夜述懷

輾轉纔安枕，屢驚金雞忽。送五更聲，江楓細雨斜風夢。  
總是衰齡悼古情。

大同原牧歸後坊道中口占授小兒及曾正

斜穿香稻度秋山，細講殘經午始還。幸際時雍身少恙，  
明朝依舊此開顏。

題小塘茅屋

并序

予昔侍親太學，識李君元凱於上舍。稠人中，李  
君罷官歸劍江，先施以朱子感興之詩而致其

綢繆願交之意繼以族譜之故來訪小陂時年  
幾七十矣虛心進善每見益親晉伯可愛豈欺  
我哉近與其族孫恪談迺悉李君平生誤愛且  
請賦其小塘茅屋焉嘗觀其世譜知諱琮侍郎  
府君為小塘始遷之祖又觀其先文知府君為  
有德之士所垂既裕嗣之者賢宜乎詩書其族  
愈久彌彰也詩曰

茅屋何年占小塘  
宋元甲子幾星霜  
清門種德高徵士

金史卷八十三  
卷三  
紫詰推恩秩侍郎快睹雲來緇步武能令山水益輝光  
一經從此尤珍重日向蘭階迓百祥

遊禪峯

庚午

孟春時物泰條風應新律良辰豈重來嘉會那可忽膏  
車飭謝屐小子伊疇匹

四人為疇  
兩人為匹

幽賞歷嶇嶇欽勝覽窮

嶂翠慕陶得自然鄙殷怪空咄詠歸歡未央重遊更何

日

遊南岡及下陂山水

朝出蘿谿阪夕返蓮塘曲烟樹眺參差岡巒媚重復道  
泰物本小慮澹意自足山人留酌斟舊侶論心腹歸來  
美清夜雲和暢寒玉

小憩覺溪徐氏

昔誦前賢傳今即高人居奉親賢子孫努力躬三餘

登黃柏最高峯

由聶家峯李家山而下  
小兒及亨慶烈生從

局促倦埃氛游衍稀儔侶驥子能娛人慕韓耽岫嶠青  
天卷片雲春山霽寒雨杖策不知疲魚貫何容與遂躋

凌霄峯徘徊以延佇  
長空極遐矚  
松陰相款語  
日昃憺忘歸  
清風助高舉

牧黃嵐坑

朝來抱微疴  
殘編減新課  
出門悵何之言  
歸無所作忽  
乘谷口興  
偶此崇岡坐  
契彼造化微  
覺我頽齡情  
振衣發嘯歌  
烟村夕陽墮

遊黃嵐坑

桃李薰太和  
晴光爛如許  
寧知明日花  
不有宵來雨  
芳

原縱游衍呼童供笑語徘徊綠蘿峯悵望清溪淑皞皞  
固同胞熙熙盡吾與悟彼靜者心樂此動時趣烟村歸  
去遲暝色迷雲墅

遊黃嵐坑

微雨霽芳原散步春溪曲歡呼及童豎策馬驅黃犢入  
崦竹脩脩面岡杉簇簇展我懷中書坐向林間讀不有  
巢許心那知箕潁躅但得風日佳朝朝來此收

牧轉岡頭

寒裳陟崔嵬，沉吟不知去。塵襟頓蕭散，逸興迷雲樹。  
梅殘誰氏花，麥漲朝來雨。隣牧左右來，往事更相語。  
預期明日晴，重作青山侶。

遊龍門七寶寺

病軀愜初景，動息頗自由。不息風雨倦，來貪山水幽。  
穿雲路窈窕，搏空行遭週。危峯傑筆卓，疊嶂翠屏稠。  
契我遺世想，遂此物外遊。

素菴題



正統辛酉冬予歸自鍾陵息肩湖莽李氏南溟  
飭其宗以迓禮于從子世熙之堂崔氏文璫翁  
古服來臨酒數行懽然賦詩而別後七年南溟  
脩世譜話舊小陂索素菴大書以歸又二年持  
以求賦詩曰

一點虛靈天地參忍將至貴隨春酣請看天澤初爻旨  
是我著龜與指南

題厲齋

并序

予寓種湖時將拜頤菴胡先生於豫章李生恪  
在館下屬兒輩致其尊府世熙及其外祖默菴  
崔翁願識之勤歸途乃遂其請明年二公冒風  
雨復予劍水至則予去矣屢有期於小陂而翁  
向髦近世熙過我翁則物故俯仰疇昔不能不  
為悵然也茲賦世熙厲齋之詞雖以勗李氏尚  
亦有激於崔云

韋弦何用佩諸身矯枉扶偏各有因細向堪輿觀萬物

反躬皆足熟吾仁

不寐

愁來不成夢夢回心耿耿定力嗟學微長夜誰予警

同熊生渤牧後坊因登絕巔

節候適清和田家雨新足芳林牧馬來露草萋以綠乃  
有儒一生吾伊蔭脩竹暢我仁知心躋攀散遐躅一覽  
長天雲真趣良可掬

同諸生遊陰源

山水夙所歆朋游固其好風雨雖滯淫窮源竟須到幽  
意澍沉沉歸懷晴浩浩良辰不可常更擬山陰棹

新堂即事

平生山水心於焉得休卜一堂雖甚卑素意良自足坐  
看風雨來已喜無霑漉賦詩紀吾成古人有芳躅

題凝翠字後

游衍起良時歡心慕浴沂飽耽山水趣書罷更留詩

登連珠峯

閣中罷鳴琴芳筵謝斟酌捫蘿一褰裳奇峯酬素約天  
風起蕭條山雨來溟漠時馳千里目四際雲烟薄會當  
斯結亭勝覽翔寥廓

同諸生遊倒桐塍

東臯霽甘澤我心日悠悠出門玩時物因之白雲丘行  
不知遠遂歷羣峯頭浩歌酣萬態斜景風颼颼眷言  
顧諸子去矣仍夷猶渺然出塵想奇功歸一游

沼上編茅為亭取程子秋日之詩名曰自得夜坐

其中因成此句

幽懷不能寐攬衣造新亭曲池湛華月芳樹還冥冥羣  
峯遠映帶一水近回縈坐久歡未竟夜迥氣逾澄寂感  
玄化微伊洛歆餘馨

夏日偶成

卧疴止衡門何以娛長日卷舒架上書游戲閒窓筆南  
畝課農餘東園薙蔬畢務我分宜然無勞知難必道泰  
身自亨作德心斯逸長歌書座隅庶用箴吾失

遊石牛埠

時止時行任自然  
離離香稻小春天  
微蹤何足符佳夢  
自是民彝篤好賢

贈別熊崇義

不憚風霜跋涉遙  
翩然來訪白雲橋  
嘉賓盛處歸懷好  
茂對良辰話久要

題李章勉學齋

浮生事業易蹉跎  
百歲光陰定幾何  
不覺秋霜空滿鬢

玩君華扁謾高歌

攜小兒方家坪拜先隴

曾祖妣顏氏  
祖妣章氏

方家坪側接連塘二代銘旌託此藏孱薄每慚荒世德  
閭儀空感孝思長

寄朱孟真教諭

青春桃李憶成均兩造高門劍水濱聞說軒車能我顧  
無端舊夢欲書紳

楊溪故居



童稚長懷故里居  
顧瞻茂草向桑榆  
溪頭細接雲仍話  
勉爾重新教子書

曲岡道中

足馬寒村偶獨過  
壯懷莫景悵如何  
梅花滿眼無人問  
謾對虬枝一放歌

狹原洪氏

芒鞋又作葛天民  
童冠追隨五六人  
綠樹池塘投轄處  
梅花如雪晝如春

雪夜偶成

四簷風雪夜漫漫獨擁殘爐對歲寒  
細憶晏庭詩思切是知仁者敢偷安


中原橋黃氏

憶年童稚飽經過半百光陰奈若何  
萬事悠悠空白髮一懷慷慨為君歌

溪上偶成

萬緣由命不須嗟遮莫飛騰莫景斜  
偶度小橋流水曲

緩從梅下玩孤花



康齋集卷三

欽定四庫全書

集部  
康齋集卷四

詳校官編修<sub>臣</sub>李光棟

中書<sub>臣</sub>劉源溥覆勘

總校官知縣<sub>臣</sub>繆琪

校對官學正<sub>臣</sub>蔡必昌

謄錄監生<sub>臣</sub>桑英

欽定四庫全書

康齋集卷四

明 吳與弼 撰

詩

讀韓子

辛未

重雲密雨鎖春寒  
病思無端強自寬  
逝矣古人心獨在  
遺編一一靜中看

寄謝王醫博高危諸醫士李王諸親友

驥子南遊學舜絃春城淹疾友琴軒神功深賴陽和力

杜云陽和  
醫百草青眼頻煩故舊憐

### 題黃氏花萼樓

神京曾忝仲聯行鄉國相於季氏良花萼樓深春晝永  
自天多福一穰穰

### 題水竹居

結架媚閒曠復然面寥廓水環白雲隈竹帶青山郭雲  
霞生我衣魚鳥同人樂曰子固靜者煮茗相賓客意遣

愴忘歸會心溺洒落緬懷恍如夢賦詩酬舊約

程庸承府主命李觀光章取則皆集小坡講顏子  
喟然之章賦此以勉焉

二生忽喜後先來無德相資愧爾才黃卷有師當自勉

闕閩濂洛是梯階

朱子云四子六經之階  
梯近思錄四子之階梯

牧大同原楊林坑即事

壬申

既輟黃嵐游却入同原嬉三陽時向交暖律回春暉人  
情惜舊好物態含新輝悠哉四聖心靜向林間窺單騎



日日來飄飄澹忘歸偶攜二三子麗澤同箴規

與諸生說兌卦

與楊珉遊大同原

予遊原方憩林薄適楊生來訪欣然賦此

林西日月長講罷無餘事東臯策吾馬聊爾川原憩風景惟暮春烟芳媚初霽理會塵外心道酣淡中味惠然嘉友來共此無懷世

枕上作

蕭然陋巷日希顏獨把遺經靜處攤準擬朝來風日好遍隨晴色踏青山

以事入城假宿西廨彭氏

癸酉

細雨斜風困馬蹄年過六十未知非客窓輾轉難成寐  
定力何能一庶幾

暫寓程庸氏屈府主王侯賁臨夜承郎君伴宿

春風堂上降鸞鳳瑞氣祥烟日正長翠竹碧梧歌不足  
高燒銀燭夜煌煌

閒中偶述

花水沈沈庭寂寂蒼苔盡日稀行蹟支蹟窓下一沈吟

人間幾片韓山石

絕句

於三峯尖之中峯架以小木覆以雜薪為牧所之涼棚

一棚新架白雲端  
四達天風九夏寒  
野性慣隨樵牧侶  
時時來此獨危冠

東坑幽澗

一水泠泠逗密林  
無名花草匝幽陰  
苔磯終日不知暑  
滌盡平生擾擾心

題菊窓

清霜籬落任天真可信虛窓別有春  
陶屈依稀千載後餐英裛露豈無人

游金陵藁

宿熊璣氏

七月

江湖遠適為求醫首寓高齋愜故知  
良夜好天忘倦處清風明月細談詩

發孔家渡

茫茫新漲漾晴洲華髮寧知非勝游  
未了平生山水債

又從臨汝附扁舟

次打石港

當年曾此泊晴灣細讀鄒書

不立巖牆  
之下章

向夜殘始信萬

緣端有命欲為君子却誠難

哭傅秉燾

獨步來尋洗墨池秋風禾黍正離離  
一丘舊隱成春夢  
非慟夫人而為誰

守風青草洲

青草洲邊幾日留風來北極正颼颼箇中欲問行藏意

未達中庸是我憂

日與程喜  
說中庸

荅舟人

過家

徒竊虛名實陸沈慙慙空負秉彝心那由回得西風馭  
截日深功斷自今

南康舟中

滿懷今古悵悠悠舉目江山盡勝遊華髮又堪來幾度  
可無新句詠清秋

志喜

裊裊風帆快客程  
良朋時共話平生  
忽驚蜀浪半江濁  
又接淮山一帶青

重宿南莊

四十年前此寓居  
華顛重宿意何如  
不堪潦倒渾無似  
謾托狂歌寄我吁

龍井道中

八月

石壁話龍湫  
青山夢裏游  
長亭新霽雨  
隨處詠高秋

次練潭

半野雲烟薄，長空新月多。  
息肩知有處，燈火練潭河。

橫山雙港道中

晴色添詩況，山名認上音。  
無勞鄉國夢，日詠古人心。

閣中即事

盡日文章慨作家，青冥樓閣寂無譁。  
雲山時獨攬秋色，風露誰同玩月華。

窓間獨坐



閣上詩應罷窓間月復明好懷未忍寐端坐憶平生

贈江淵

久重才華識俊英偶從此地共茅亭幾時更對何鄉榻  
細寫江東渭北情

八月十二夜何家圩玩月

訪古微私不易酬心期江漢日悠悠行藏信有平生分  
謾向涼天詠素秋

牆下對淮山獨坐

徐步閒來藉草吟  
淮山面面感人深  
若為飛度晴嵐表  
一覽中原暢夙心

十四夜同李進士玩月

別却鄉園縱遠觀  
前期浩蕩路漫漫  
何如今夜高秋月  
萬里清光此共看

別何家圩道中口占授宜之

占去聲隱度其辭  
以授人曰口占

昨夜巡簷同霽月  
今朝聯轡共秋山  
恍思三十年前夢  
信是人生會合難

寄贈李春

天柱峯前憶舊知，江湖秋興總如飛。  
金臺早得春消息，好寄東風汝水西。

貽南莊李氏

淮水秋風歸興濃，片帆日指大江東。  
滿門長幼俱青眼，華髮何時又一逢。

獨步江岸

江岸逶迤獨步來，日光恰喜密雲開。  
能消幾兩南風力，

咫尺青霄是鳳臺

次西梁磯

屬和州

西梁磯下繫孤蓬  
磯自我我水自東  
蓂莢不知經幾換  
幾人曾此詠和風

登西梁磯尾

暫縱稜層咫尺蹤  
江山一覽已增雄  
脫令病骨生輕翰  
飛步危巔又不同

江邊獨步

金史紀事本末卷四  
咫尺金陵到尚難朔風猶未退狂瀾平蕪渺渺不知處  
獨數江南江北山

具慶堂為桐城黃金題

愛汝清溪壽二親雲箋晴染坐生春九天會沐恩波濶  
戲綵堂前百福新

永感堂為桐城朱善題

欲報劬勞慨昊天青燈耿耿思綿綿顧我舊游揮客淚  
與君同廢蓼莪篇

別金陵道次五顯舊游口占授章余李三友

客中欣遇二三生  
送送無端故國情  
佳麗山川同一覽  
樓臺高下鳳凰城

旅次曉立

江湖日夜數歸期  
乾鵲聲聲曉為誰  
籬菊忽驚銀燦爛  
畦蔬時接翠葳蕤

次東館頭

上元縣地

侵星問道高橋側  
斜日息肩東館頭  
欲卜前程知有在

霽行潦止不須愁

宿杜家村

杜家橋外杜家村  
細雨斜風暮到門  
多謝主人憐老大  
盤飧杯酒夜溫存

句容樊知州宅

飽聽邦民頌去思  
玉樓人去已多時  
陽春白雪慚吾輩  
流水高山弔子期

宿徐村

跋涉泥途不憚勞晚晴又得旅懷舒  
清溪濯足看山罷  
松竹林頭認寓居

宿案頭

丹陽地

癖性從來厭市墟  
息肩時託近鄉居  
金風禾黍秋連野  
綠柳池塘月照廬

發丹陽

遙牽高纜別丹陽  
明日青山指浙江  
謂我何求寧足校  
寸心對越是蒼蒼



舟中九日

去年九日遙思子今日重陽子憶親自昔懷居非達士  
由來安土屬吾人

呂城壩

雲散青霄月放明時聞前岸浩歌聲平生湖海希蹤蹟  
始向丹陽識壩名

戚墅鋪

武留地

晴穫農人喜安流舟子閒平林戚墅鋪迥野浙西山

蘇州絕句次唐詩韻

二首

萬態循環故復新  
塵寰知換幾回春  
我來又發姑蘇詠  
可信浮漚等昔人

斜風細雨菊花天  
今夜何知此水眠  
他日舊鄉談舊蹟  
青山却意夢中船

過吳江縣

一棹吳江上  
寒烟楓落時  
無才堪賦詠  
聊誦古人詩

次嘉興

程程客路問前蹤  
又繫城頭稿李蓬  
懷古心期何處寫  
一江烟浪雨冥濛

舟中曉望

吳江欲盡越山來  
東日融融霽景開  
桑柘稻梁連沃壤  
人烟村落任無懷

長安壩

崇德地

崇德橋頭暮刺船  
迢迢江岸帶星牽  
長安壩上停篙處  
楊柳陰中伴月眠

望越中山

牽路晴明不憚難  
船頭時見越州山  
前程信有自然妙  
莫把天心當等閒

平林舟中

杭州地  
二首

盡日舟行不見山  
離離香稻映柴關  
倚篷獨詠凝晴望  
何處雲端一翠鬟

平林山後又看山  
知在錢塘勝槩間  
老大薄游顏獨厚  
絕無新句贈人寰

書夢覺作

一枕平安畫夢濃  
起題紅葉數青松  
老於世態無心處  
到處身疑是夢中

錢塘絕句

曾擬錢塘吊古詞  
薄游今乃戲於斯  
西風何限平生思  
斜日從誰一詠之

錢塘留柬程庸

準擬名山復並游  
朔風無奈日飈飈  
金陵已失連枝喜

吳會仍為落葉愁  
南指片帆應迅速  
北來行李莫淹留  
丹楓黃菊同歸夢  
定約三衢與信州

觀湖

先聲隱隱遠如雷  
高浪排空雪作堆  
欲記新題何處寫  
伊誰一醉菊花杯

發錢塘

鄉音無寐共清宵

昨夜與鄉人  
月下話久

得伴何妨歸路遙  
夜半

開頭更喚夢月明  
如晝競乘潮

即事

西風淒切濕雲多東日朦朧午始和  
佳菊叢叢誰採擷好山處處自吟哦

子陵釣臺

王孫舊是布衣倫歲晚如何又屈身  
不有先生高致在滔滔俱羨拂鬚人

即事

舟人唱曲吹簫殊勝蠻音貼耳也

歌聲纔罷又簫聲暢我孤篷客裏情  
他日欲知牽路處

丹楓黃菊亂山青

大浪灘

洪武間先君奉命往  
福建有大浪灘謠

先君遺墨識名灘使節曾經此往還  
改罷新詩吟未了舟人又指富春山

近衢州

水原將盡話西江紅葉歸心日夜忙  
猶愛越山看不飽馬知孤棹尚他鄉

過衢州



夜半朔風過灘聲急去舟推蓬雲月裏髣髴看衢州

題徐氏村居

跋涉遙尋玩易蹤幽棲近在縣南峯松篁共聽今宵雨  
禮樂多存太古風俛仰浮生一夢寐相看華髮兩龍鍾  
酒酣細和辛夷什丹桂叢蘭思正濃

別徐希仁

彼此浮生類轉蓬青山端似夢中逢明朝努力加餐飯  
又隔南雲少便鴻

常山道中

後先已喜轎吟啞驛路泥乾不憚賒回首故人程漸遠  
青山從此白雲遮

玉山舟中

獨坐船頭愛日光好風又喜片帆揚雲山簇簇緣誰碧  
岸菊叢叢為我黃

與周文婁諒二生

自歎虛名忝士林慙慙孤負二生心莫雲春樹他年夢

金史四庫全書  
卷四  
傑閣高軒記短吟

發廣信

雙棹飄飄逐急流  
青衫獨立沙頭明  
明朝矯首東雲外  
須憶雲峯是勝游

曉發

舟師晴喚急前程  
短棹侵星帶月明  
却憶宵來何處宿  
孤衾和夢聽歌聲

宿橫石

橫石岡頭路人疲日又斜平林茅屋近有店即為家

次上清

迢迢還鄉路程程日逐西鷄鳴時問境十里是金谿

野橋小憩

晴日催歸路平橋又息躬雲峯四面碧霜葉一溪紅

孔方道中

逆旅程難進疲肩重日增歸期無用數俛首事孤征

宿小嶺

旋羅山田米來供野店炊一枝聊暫寄不必問為誰

小嶺店中即事

雲白山青路回頭却已遙故人應在過詩話定今宵

童子餽蔗

童赤依誰氏悠悠念爾翁慙慙霜蔗贈知我困途窮

白水寺

危石疎松一水寒軒楹正在水中間平安半榻還鄉夢

却憶千山與萬山

同公迪飲車氏

巖瀨扁舟話舉林詩情遙向故人深一杯賓館論文酒  
細寫高山流水心

瑤湖渡

斜日明官渡平沙散馬蹄一生勞面北短卒急征西

宿周圻氏

千里歸心逐月明平林曲徑歎柴扃故人問藥入城郭  
愛子難兄共短檠

次種湖

鄉鄰宗黨總欣欣  
旋摘霜柑意甚真  
送送長村不知遠  
華顛應念客歸人

還鄉道中

晴山今日是歸期  
正值橙黃橘綠時  
囊篋不論羞澁否  
示兒聊僅百篇詩

寄上饒汪秀才郡中諸俊彥

客裏微軀病莫任  
金蘭多負秉彝心  
不眠幾動山陰興

無鴈能飛懶拙吟

登東坑稍箕窠最高峯

寒窓倦局促茲晨脫樊籠遠隨伐木伴暘谷舒孤蹤奇  
峯發高興迤邐緣霜叢沃巘有山果爽袂來天風是時  
雨初霽心賞超鴻濛

黃李四生習易小陂寒窓旬月間六經風雪賦此  
以勞之

新功近喜四生深夙夜沈潛四聖心六出六經功愈苦



凍毫特賦雪窓吟

新正峽中作

甲戌

積雨逢春却好晴  
石橋又聽澗泠泠  
沙頭飲馬閒停轡  
時止時行理本平

贈饒李四生雪夜勞以酒而勗以詩

綠酒酬高誼  
新詩祝遠程  
各堅松柏操  
共固歲寒盟

偶述

病來文籍久相拋  
閒看松篁雪後梢  
懶性避人非敢傲

平生厭結口頭交

即事

濯罷清流似浴沂輕風拂面課農歸北窓一覺羲皇夢  
又喜雍容事講帷

題石泉

莫訝涓涓勢在蒙陰崖應與八溟通試看萬折趨東處  
何險能紆遠到功

源中即事

金匱口月令卷一  
卷四  
足馬長源又獨來野園時見菊將開忽驚往歲看花處  
天外孤吟越徵回

仰止堂詩

并序  
乙亥

景泰癸酉予歸自浙擬假道塘坑一訪饒氏迪  
功公故迹而弗果華裔烈與尊公景德慨念不  
已予亦為之悵然也莫景駸駸斯游恐莫遂矣  
姑為賦其仰止之堂少答誤辱之勤云其詞曰

紫陽餘韻著清江主一流風有叔暘桃李莫矜新錦繡

松筠須復舊冰霜

題黻丘

李公迪其先彭原中山人徙居黻嶺之下五六  
世矣公迪出贅五峯而以舊里為號不忘乎初  
也

何處雲嵐是黻丘中山近在屋西頭五峯風月諳來久  
誰道鄉關日在眸

寄李全父子

董惟奕葉託情深又喜曾玄屢盍簪珍重前模須仰止  
一經端勝滿籛金

夢與三人觀漲擬同訪朱子

丙子

曠百千秋相感深依依不識是何心金雞忽報春窓曙  
惆悵殘魂帶病吟

胡氏落成族譜序

連雲芸棟夙蜚聲又喜來仍建此亭勗爾詩書舊箴砭  
待看金石倍光晶

題周氏竹陂

梅仙峯側綠青青  
渭水瀟湘共杳冥  
試借琅玕來幕倚  
洞門風露接蓬瀛

病中口占授瑞康寧壽

不覺行年七十近  
忽驚卧病二旬多  
絕勝明月清風夜  
人在呻吟夢裏過

贈何生潛還番禺

家慶新歡動里閭  
黃花綠酒屢渠渠  
客窓日月何多也

義畫麟經伴起居

詩罷憶陳生寓意

汝歸榮覲樂無涯  
聽唱良朋契濶詩  
中道若逢煩寄語  
雪窓高榻待多時

適上饒藁

飲黃衍氏

後先輿馬盛衣冠  
訪古詢今到考槃  
早向龍潭資麗澤  
一緘為我報平安

宿楓山車氏莊

明月清風夜殊非遠別時薰衣茶宴罷為爾細談詩

楓山道中口占授車胡二生

惆悵楓山道當年此息肩重來如昨日時序夢中遷

宿南山傅氏

春閱南山文冬訪南山屋盤旋佳主人蒼崖蔚松竹

宿上清真應觀

細雨長途暝投裝處處艱何如高枕夜清興在茲山



貴溪道中口占寄車傳二生

一杯何必盡君歡  
知己須將古道看  
客路喜逢風雪霽  
詩筒早為寄平安

楊林橋

野水平橋路行行  
霽景開地名時記  
取他日或重來

貴溪邑庠作

昨夜淒風霰鳴屋  
今宵月滿清江曲  
預欣明發行李輕  
早趨茅簷弋陽宿

弋陽道中

日短前途遠天寒問宿忙  
亂雲迷望眼細雨濕行裝

宿晚港茅店

跋涉泥途困棲遲茅店安  
長風收細雨淡月四更寒

晚港鋪

四野同雲暝長村細雨飛  
橋傾人病涉凍水慄寒肌

宿宋村次唐人韻

茅店又安眠前程聽自然  
餘魂知有幾不必問流年

旅夜感懷

經過今古客一日幾千強旅店無眠夜高山慨紫陽

坑口鋪

回頭候火伴遲遲行復歇山鋪時問名陰崖忽逢雪

宿上饒婁氏怡老堂

梧竹交加映晚晴清風蘭砌有餘馨重來賓館酣春酒

高詠南山萬古情

宿古梁周文氏

石徑盤盤逗碧流  
喬林鬱鬱拂雲稠  
幾年心事空相繫  
今日題詩向此丘

別周村

雲山端似夢中游  
芸館高情兩日留  
莫景重來恐難必  
臨行餘興又登樓

西塘道中贈二周生

長途遊子急前期  
情色無心管別離  
綠水青山勞遠餞  
梅花新句為君題

工樓店即事

六首

且淹山店雨莫計前路岐路岐泥潦深跋涉令心悲

斗室息微軀店大圍羣僕凍雨淒風行路難且攤黃卷  
從吾欲

僮御忡忡怯風雨得借茅廬即堪處但令疏食無乏供  
琴劍何妨淹逆旅

筆硯為伍書作朋寒簷不覺朝昏改靜中滋味將語誰  
一日詩情潤於海

一室他鄉遠四簷寒雨聲主人憐夜永添火坐深更  
雨歇月朦朧中宵卜去蹤夙興僮御喜爭詫曉雲紅

迷途

山路少人行憑誰一問津迷途應已遠返復枉傷神

歸興

計程不日踏鉛山借問行人去路難君子見幾寧有俟  
浩然歸興白雲間

宿橫峯

金分  
卷四  
麗眉齊考兩如賓欲把香醪慰遠人報道聞糟也應醉  
一枝聊息夢中身

好趁瓜期雨又來蕭蕭入夜滴羈懷雲行潦止元無係  
且賦新詩和酒盃

重經晚港鋪

官橋傾圯不知年官渡行人苦渡錢奉勸行人無用較  
從來虧客仰誰憐

弋陽道中望圭峰諸山

峭拔立雲端能生逆旅歡但惜世無摩詰手不能移向  
畫圖看

應林道中奉懷紫陽夫子

昔誦夫子詩今履夫子路夫子一去夜漫漫往復行人  
自朝莫

安仁道中奉懷紫陽夫子

此為正岸東行路高句藏心亦有年今日偶來親舊蹟  
七閩惆悵白雲邊



宿白沙吳瑀氏

時瑀任陝西都司斷事

歸坂驅馳逐落霞  
筍輿迢遞到君家  
春來應有西飛雁  
多病新詩不足誇

令弟從官去難兄  
好客深青燈白沙  
夜詩律細論心

小漿鋪道中

借問歸程漸不多  
烟村風景倍融和  
誰家童子嬉牛背  
入谷時聽放牧歌

夢桃花

旅夢一枝斜嫩紅  
初吐花無端春信息  
知爾報儂家

夢舟得風

何許一歸篷  
停篙泝便風  
草堂應咫尺  
清夢月明中

題新路口舖

我僕痛時將絕糧  
長亭忽喜近黃塘  
青衿曹子知無恙  
準擬談詩共夜窓

題李章芸香閣

字向金陵書閣從  
五峯坐綠酒共深  
更劇談忘爾我閣

上遺經凡幾編好惜分陰勗新課

題程庸讀書閣

旅思搖搖倦淹泊息肩重喜登新閣閣中無物不堪誇  
舉目咫尺皆真樂賦詩不盡析薪情負荷丁寧二雛學

宿山家

午爨辭景雲夜宿投庵下山中俗朴長幼淳也解聞風  
禮賢者自愧虛聲誑世間到處令人誤驚詫

訪饒烈

三首

逆旅初從遠嶠回  
迂途風雨為君來  
高軒一到留詩別  
莫阻歸心向酒杯

莫阻歸心向酒杯  
憐君意氣更遲回  
龍潭麗澤荒蕪久  
好約良朋次第來

好約良朋次第來  
百年時序日相催  
分陰須惜更須惜  
不學何由造達材

主翁莫歸

中心欲投轄風雨  
催歸鞍夢迫大刀  
頭長歌雙玉盤

奉東塘坑諸親友

久客寧容忘式微  
瓜期日念去遲遲  
聞君好爵端孤負  
棹雪山陰定有時

道中口占授饒烈饒嶽

風雨聯鑣遠送時  
高談雄辨解人頤  
知君自有男兒志  
肯負平生師友期

仲父前程日見功  
遠追祖德爾宜同  
從今好篤男兒志  
莫負皇天降此衷

經馬茨塘

雲景漸清和琴書此地過不須留客飲且喜為君歌

宿西廨彭氏

宿雨天清路不賒高堂綠酒映燈花金鷄聲裏微吟覺

歸夢分明先到家

上饒藁止此

題戈氏玉溪書閣

常說螢窓在玉溪何如今夜此題詩相逢莫只談金好  
無競維人貴有兒

金史四庫全書  
卷四  
稅場墟道中口占授戈英

驥子當年此載歌  
金蘭氣誼感君多  
西風老鬢寒山曲  
斜日仍同律呂和

早禾陂道中口占授戈英

傍午蒙開日漸融  
暫停輿馬步從容  
平生山水應深樂  
指點遙空杳靄中

別戈英

送送晴村兩贈詩  
高歌足以慰離思  
龍潭懸待春消息

早致雙魚慎勿遲

宿嵩山

華髮蕭蕭候我勤  
我冠博帶氣溫淳  
兒孫競託重遭遇  
昨夜燈花報喜新

長湖章氏絕句

金昆已矣悵鴻冥  
玉季森森兩眼青  
躍馬隔溪曾失意  
揮毫今日却多情

口占授章獻章朴



先後監與送我勤交情歲久見漓淳弟兄歸去皆傳語  
事業應須日又新

荷塘口占授族孫福寧

古市衝雲濕山橋踏月忙隔林詢白塔隱几卧荷塘

塘坑絕句

鷄鳴踏月復前期愛日如烘霽雨時青眼滿堂春似海

揚州詩興溢南枝

鴈塘道中

人事周旋愧不遑，歲云莫矣趁歸忙。  
筍與傲兀長鬚困，蓑笠歌危度野塘。

除夜次唐詩韻

銀燈守歲未應眠，一聽陽春

小兒輩歌詩

自灑然更祝明朝

風日好，梅花滿眼踏新年。

丁丑元日

不肖前丁丑上學先君此年五月赴京

往事渾如夢，春風忽又新。  
浮生空白髮，依舊一瞢人。

先記

君詩云：夢社方五歲，已解誦詩書。兄弟恩雖重，師生禮必拘。齋居應密邇，路徑不縈紆。由此能勤學，終當作大

儒

人日贈丘曼

人日題詩雪滿簷寫向伊人念舊鄉惆悵百年前故事

高曾筆硯接南窓

先生高士  
號南窓

春夜述懷

多病無安枕長吟更短吟園林初雨歇花柳已春深  
身世雙秋鬢乾坤獨苦心明朝風日好何處快登臨

曉枕作

四時更代謝萬事相翕張升沈任吾運何須較短長風  
雨塵窓不知老日進遺編誦幾行

莫春行

學不講德不修二者誠吾憂日親古賢聖殘膏賸馥供  
涵泳青春告莫我不聞落花飛絮從紛紛

喜晴

陽春正二月霖雨何其多午窓歛暝色高陸揚洪波昨  
宵乃何宵高天衆星羅清朝太陽升萬象成熙和餘花

須載酒因之一長歌

後坊坑

風景和明春服新緩吟疑在曾沂瀕行臨磐石遲回久  
時有低飛鳥近人

舊遊感興

既歷覆船岡更嬉西岸洲俛仰舊游心光陰迅一瞬

夢中作

烟消霧散海濶天高歷塊過都乃見爾曹

石泉望靈峯有懷周婁二生

杖策閒來步夕陽  
雲峯遙望意何長  
峯前二妙相睽久  
魚鴈東西兩渺茫

夕涼獨坐

緩步階除愛夕涼  
微吟隱几久虛堂  
行穿山月紛紛白  
庭散簷花細細香

山庭夜坐

庭樹陰陰過雨涼  
冰輪正照坐中央  
等閒真意須當認

莫學浮生一樣忙

六月十七日沼上翫月

碧沼溶溶月照懷好風時送嫩涼來細思黃卷

自警  
編多

新益懿行嘉謨實快哉

予書月臺字月既畢臺字誤落筆而為壹又書鉤

以足之惜無出處也徐思曩在石泉時東窓對

一鉤之月在缺月五更頭寒光皎清夜之句感

懷

曾對東窓月一鉤五更心事澹如秋蹉跎不覺空霜鬢  
爭奈年華似水流

沼上對月

又對青霄月一鉤金波玉露正宜秋自應暮景重加勵  
遮莫年華似水流

鷄鳴候曉坐對東林殘月宛然昔者之景又續鄙  
句

坐對東林月一鉤寒光皎皎近清秋當年心事今何在



碌碌那堪日下流

避暑普濟堂

三伏炎蒸午倍瘥長原疊嶺困經過竹林深院宜人處  
水簾清風一氣和

同宗人嗣昶輩拜羅原岡先隴

清風朝辭上壽坊溽暑午拜羅原岡岡頭卜兆三百祀  
鬼神守護雷潭傍澄空一瞻醉心目楚山萃律吳江長  
避暑刀峯祠

竹裏投裝暑正隆  
緩尋幽事向刀峯  
芄芃香稻連疇綠  
瀼瀼寒流一澗通

宿呂家壕先隴右畔李宅

眷眷先塋是夙心  
肩輿又事遠追尋  
行雲流水良隨遇  
胡文定公云世事當如行云流水隨所遇而安可也步月看星此竹林

同族拜呂家壕先隴

昨日虛勞遠候迎  
竹間今喜款柴荆  
西風一激荒山隴  
何限慈孫孝子情

宿呂坊寺

罷浴清溪步夕涼  
四簷風月宿僧堂  
依稀却憶高僧上  
桑梓連陰是故鄉

遊園

呼童時作後園游  
淡日涼風踏素秋  
花映東西紅錦繡  
果連南北綠雲稠

贈饒鎮游襄陽

湖海平生志山林  
老病身何由出商  
徵同爾望西秦

中秋夜玩月次許郢州詩韻

四海同瞻此夜圓樓臺漸喜出雲烟蟾光玉潔秋中候  
桂影冰清雨後天吟處紛紛侵卧內夢回穆穆滿庭前  
詩成惟有疎星伴萍梗明年憶去年

即事

借得禪房久寓居閒中轉覺日舒舒二三童冠相於好  
卧聽琅琅小學書

離寺

金史卷之二十一  
卷四  
遙為松楸此寓居清風明月二旬餘宵來紅葉催歸夢  
明月青山是舊廬

同宗人允基拜羅岡先隴

古寺相尋兩度來孝思共寫百年懷西風紅葉桐園曲  
四望青天一快哉

對月偶成

夕陽扶杖步前庭歸踏繁陰霽月清靈府偶然無一物  
靜中意思驗周程

即事

浮世升沈一聽天  
竹窓養病日高眠  
杖藜偶散東林步  
丹桂秋香又一年

曉枕作

多病蘇來體自輕  
吟邊又喜氣和平  
行雲流水曾聞命  
何用君平卜此生

諸生助移門樓詩以勞之

魚貫相於冠與童  
浩歌聲裏氣如虹  
明朝飽挹溪山勝

金  
多賦新詩頌爾功

牧南岸嶺次橫渠先生韻

碌碌浮生一夢中並游無侶古今同  
偶因晴牧閒行好絕壁孤吟萬壑風

夜讀滕元發墓誌

尹開封時民有王穎者為隣婦隱其金閱數尹  
不能辯穎憤悶至病偃杖而訴於公公呼隣一  
問得其情追其金還穎穎奮身仰謝失偃所在

投杖而走見者大駭

理枉能令偃者伸古今何處覓斯人沈吟無計起公死  
徒向塵編感興新

同晏洵游鋪前山

小春天氣暖如烘山果漫山黑間紅緩步崇岡清眺罷  
悠悠歸詠夕陽中

游山

歷獅子石馬鞍山至峽而止

客歸曾此眺層巔獨步重來十五年人事幾多隨候革



山光水色自依然

勝遊欲罷駕言還  
山水盤迴趣更玄  
試問丹青難狀處  
朗吟人在白雲邊

同小兒游山

自後坊西岡背登山度坳入原歷獅子石而歸陳達遇于原中同行

幸得身閒心自休  
呼兒時作小春游  
千山莫景難描畫  
磐石何妨又少留

游山

由二峯尖至西坑原頭而歸

為愛雲山深復深  
筋骸粗健強登臨  
一般真意誰能辨

矯首蒼茫獨詠心

勝地曾經託趣深  
和風晴日喜重臨  
筋骸又老四三載  
何限依依悵舊心

游山

童冠相呼作勝遊  
經霜山果正優優  
林泉好處將詩買  
康節紅日銜山詠未休

三峯亭

一亭危構接雲烟  
亭罷基存境宛然  
重賦新詩留故事

清風從此更誰邊

牧後坊

遮莫風霜暮景侵又因晴牧事幽尋  
隣童供命諸生侍一曲真詮擊壤吟

後坊牧歸

林泉隨處境幽幽爭奈浮生不暇遊  
日日杖藜歸去晚野心端被白雲留

同諸生登聶家尖

尋常多愛此峯遊蹤跡來已十秋他日會心峯愈勝  
小詩難寫興悠悠

與諸生授康節詩道傍石

好詩歌罷樂忘憂不管浮生歲月遒忽意莫春曾此坐  
獨吟時喜鳥相求

曉枕作

饑寒難免切身憂富貴由來不可求日用信從吾所好  
萬緣有命豈人謀

曉枕感懷

二十年前嘗辱此趨安以年彌高而德彌邵見譽

年高德邵是難能曾辱良朋妄見稱碌碌光陰空二紀  
不堪惆悵憶平生

傷傳秉彝

竹窓琴劍寓經旬洗墨池邊蹟已陳惆悵玉樓吟望久  
眼中那復覓斯人

曉枕作

窮通天壽寧非命消息盈虛自是天試詠黃流歌玉璣

諄諄箋註慨前賢

饒烈使

名長春

問訊日暮途遙旅宿無衾惻然成詩

暝色馳驅山正深投裝安問有無衾解衣雖荷主人眷  
寧慰風霜永夜心

獨坐偶成

為已工夫何處尋須知至要在于今它山之石能攻玉  
寧問陽舒陰慘心

自警

金方集卷四  
卷四  
日日寒簷讀我書觀生愈似掛鈎魚人情固莫分輕重  
事體焉能知卷舒百行自應誠是本一身端合道為樞  
聖賢龜鑑昭昭在爭奈靈臺不易虛

閱去年日錄簿此日寓婁諒氏悵然成詩

去年今日正陽生覓句論文暫鯉庭北鴈不來西夢切  
杖藜何處問君平

贈程李二友

又報衝泥二妙來遠傳天使意悠哉寒爐擁罷霜簷立

明月清風共此懷


題譚大參慶壽堂

北闕恩波浸正深  
南山瑞氣福駢臨  
奎光明月春盈卷  
總是萊衣愛日心

奉題程僉憲清風亭

世間何沴善侵陵  
强者誰歟抗鬱蒸  
萬姓低垂炎海裏  
洒然天表見斯亭





康齋集卷四